

Broj: 01-06-06/3-11-3-2379/23
Sarajevo, 05.12.2023.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), i Zakona o izmjenama i dopunama Zakona o javnim nabavkama („Službeni glasnik BiH“, broj 59/22) federalni ministar unutrašnjih poslova, **d o n o s i**

ODLUKU

o dodjeli ugovora za nabavku materijalno tehničkih sredstava za potrebe održavanja kursa kriminalističke tehnike

I

Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama („Službeni glasnik BiH“, broj 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), a na osnovu Odluke o pokretanju postupka javne nabavke materijalno tehničkih sredstava za potrebe održavanja kursa kriminalističke tehnike broj: 01-06-06/3-11-3-2379/23 od 13.11.2023. godine, putem konkurentskog zahtjeva i Obavještenja o nabavci, broj: 405-7-1-137-3-68/23 od 13.11.2023. godine (Sl. glasnik BiH broj: 79/23), dodjeljuje se ugovor za nabavku materijalno tehničkih sredstava za potrebe održavanja kursa kriminalističke tehnike.

II

Ugovor za nabavku materijalno tehničkih sredstava za potrebe održavanja kursa kriminalističke tehnike dodjeljuje se ponuđaču „SHOT“ d.o.o. Zenica, koji je dostavio prihvatljivu ponudu u iznosu od 39.969,85 KM bez PDV-a i koji ispunjava sve uvjete predviđene Tenderskom dokumentacijom.

III

Obavezuje se Sektor za materijalno-finansijske poslove Federalnog ministarstva unutrašnjih poslova/Federalno ministarstvo unutarnjih poslova, da shodno Zakonu o javnim nabavkama pripremi sve potrebne akte za sklapanje ugovora sa ponuđačem „SHOT“ d.o.o. Zenica.

IV

Ova Odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V

Ova Odluka stupa na snagu danom donošenja.



Obrazloženje

Rješenjem Federalnog ministra unutrašnjih poslova, broj: 01-07-07/2-11-3-147/22 od 16.11.2022. godine, formirana je Komisija za provođenje postupka nabavke svih roba, usluga i radova za 2023. godinu i 2024. godinu putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova. Odlukom o pokretanju postupka javne nabavke materijalno tehničkih sredstava za potrebe održavanja kursa kriminalističke tehnike broj: 01-06-06/3-11-3-2379/23 od 13.11.2023. godine i Obavještenja o nabavci broj: 405-7-1-137-3-68/23 od 13.11.2023. godine pokrenut je postupak javne nabavke.

Komisija je dana 23.11.2023. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku materijalno tehničkih sredstava za potrebe održavanja kursa kriminalističke tehnike. Komisija je konstatovala da je za predviđenu nabavku pristigla jedna blagovremena ponuda i to:

1. Ponuđač „**SHOT**“ d.o.o. Zenica, sa ukupno ponuđenom cijenom od 39.969,85 KM bez PDV-a, (PDV: 6.794,87 KM), odnosno 46.764,72 KM sa PDV-om;

S obzirom da je obavještenjem o nabavci, broj: 405-7-1-137-3-68/23 od 13.11.2023. godine u ODJELJKU IV 5. i Tenderskom dokumentacijom za konkurentski zahtjev za dostavu ponuda za nabavku materijalno tehničkih sredstava za potrebe održavanja kursa kriminalističke tehnike od 13.11.2023. godine predviđeno korištenje e-aukcije, a da je Pravilnikom o načinu korištenja e-aukcije („Službeni glasnik BiH, 66/16“) u članu 3. stav (3) predviđeno je da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama, Komisija je izvršila pregled, analizu i ocijenu blagovremeno pristigle ponude ponuđača „SHOT“ d.o.o. Zenica i ustanovila da je ponuda prihvatljiva za Ugovorni organ kao jedina pristigla ponuda, sadrži sve elemente tražene u Tenderskoj dokumentaciji, te se ponuđena cijena može uklopiti u procijenjenu vrijednost javne nabavke robe koja iznosi 40.000,00 KM bez uključenog PDV-a.

Polazeći od gore navedenih konstatacija i činjenica, a na osnovu zahtjeva iz Tenderske dokumentacije - kriterija za dodjelu ugovora i u skladu sa članom 64. Zakona o javnim nabavkama, Komisija je utvrdila da je ponuda ponuđača „SHOT“ d.o.o. Zenica, kao jedina pristigla ponuda za javnu nabavku materijalno tehničkih sredstava za potrebe održavanja kursa kriminalističke tehnike, prihvatljiva za Ugovorni organ sa ponuđenom cijenom u iznosu od 39.969,85 KM bez PDV-a i ukupnom cijenom u iznosu od 46.764,72 KM sa PDV-om.

Shodno kriterijumu za dodjelu ugovora, a u skladu sa članom 64. stav (1) tačka b), članom 70. Zakona o javnim nabavkama („Službeni glasnik BiH“, broj: 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), Ugovorni organ vođen Izvještajem o radu Komisije i preporukom o dodjeli ugovora, odlučio je kao u dispozitivu ove Odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.

Dostaviti:

1. Ponuđaču,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis

SM/ZK

MINISTAR
Dr. sc. Ramo Isak
FMUP- ODL